

Navdarê me yên xwedî k'eda mezin

MAMOSTAYÊ GELÊRÎ Û TÊK'OŞER'Ê BÊHEMP'A YÊ DIJÎ FAŞİZMÊ

(Bi boneya 105-salîya Mamostayê k'eddar
ê Ermenîstanâ Sovêtî Cewoyê Emer Mamoyan)

Mamosta!...

Di jîyana her kesê me da r'ola mamosta p'ir' mezin e, xazma, di pêvajoya dijwarîn a wek kes pêkhatin û şewazgirtina me da. Li bal her zar'okekê ji nava mamostayan da yek cuda dibe, yê ku di nava têgihîştina cîhana hawîrdorê û nirxan da bi şeweyekî cuda tê wat'edarkirin û dibe nîgara mamostayê wî/wê yê hizkirî. Pişti gelek salan jî mirov bi r'ezdarî û hizkirineke cuda wî mamostayê xwe bîr tine, nîgara wî di k'ûrahîya dilê xwe da bi germahî dip'arêze.

Û ev jî xwezayî ye. Ma ne, her mirovek bi şeweyê xwe jîyanê û bûyerên r'ojane, yên ku li dora wî pêk tê, tê digihîje, bi şeweyê xwe wan hemûyan qîmet û wat'edar dike. Bi nêzîke bi vî awahî, p'ergala (sistêm) cîhannaskirina mirov pêk tê û şewazdar dibe

Divê bê zanîn, ku di cîhanê da nirx û hêjayî hene, yên ku, çiqas jî têgihştinê cuda, wat'edarkirinê cihêr'eng û dem bai dem qîmetkirinê demî pêk bê, yek e, wat'eya wan a dîrokî nayê guher'tin. Hemû deman jî yek ji wan nirxan, bê guman, Mamosta bûye, yê ku di nava civakê da xwedî r'ez û hurmet bûye, gelekan hewl dane, mînanî wî bin, xewn û daxweza gelek dê û bavan ew bûye, ku zar'oka wan jî di pêşer'oje da bibe mamosta.

Heya mînakêni wisa hene, dema p'eyva *mamosta* bi *wat'eyen perwerdeger* û *dersdar* r'a wisa jî awazêni wat'eyî yên dine dest anîne, yên wek: mîmarê şewazdayîna r'uh û r'ewanê ciwan, sazûmandarê mirovê nû, afrînerê mirov û yên dinê. Û ev jî xwezayî ye, ma ne, armanca dawîyê ya pêvajoya p'erwerdeyê herdem jî mirov bûye û iro jî ew e, û mirov jî sert'aca hemû nirxan e, ew pîvana qîmetkirina wan e. Her t'enê cîhana bi idêala mirovî nîgardarbûyî t'ekûz û bê kîmasî hatye dîtin, lewra jî k'arê mamosta yê sereke ew e, ku p'erwerdeya nivşê ciwan wisa bîne sérî, ku ji bo cîhana wî ya r'ewanî nirxê herî bilind mirov be...



Mamosta Cewo ê Emer Mamoyan

Weha, pişti ku ez bi dîroka jîyan û şuxulvanîya yek ji lawêni gelê k'urd ê navdar, mamostayê gelêrî yê bi nav û deng, r'êvebirê şareza û zane yê pêvejoya p'erwerdeyê, têk'oşer'ê dijî faşizmê yê bêhemp'a û sazûmandarê bê westan ê serdemên aştîyê, Mamostayê k'eddar ê K'omara Sovêtî ya Ermenîstanê Cewo ê Emer Mamoyan r'a bûm nas, û min xwest, di derbarê wî Mirovê Mezin da binivîsim, r'ûh û r'ewanê min bi van hizir û r'amanañ hatibûn hingavtin...

Ez heya dawîyê bi bawer bûm, ku k'arê nivêsiña di derbarê vî kesê navdar da dê k'arekî hêsan nînbe, lewr ku t'evahîya jîyana wî ji hêlekê va bi k'arêni bert'erefkirina dijwarî û astengîyan dagirtî bûye, lê ji hêla dine va bi bûyerên sazûmandarîyê û lehengêyan va t'uje bûye, wî Mirovê Mezin t'evahêya jîyana xwe

(nîvsedsaleke t'am!) dîyarî k'arê xwendin û p'erwerdeya nivşen nû yên gel xwe kirye, û hemâ bi wê yekê jî jîyana wî wat'edar bûye. Lîbelê, ez wisan jî bi bawer bûm, ku pêkanîna wî k'arî dê ji bo min r'ûmeteke mezin be – hem wek mirov, hem jî wek r'ojuameger...

Van r'ojan 105-salîya mamostayê gelêrî Cewo ê Emer Mamoyan t'emam dibe.

Ew mijdara sala 1917-an di gundê P'ampa K'urdan (Sîp'ana îro) ê herêma Alêk'sndrapolê ya Împêratorîya R'ûsîyayê da, di malbeta Emer ê Mamo û Gulîzera R'eso da hatye cîhanê. Malbeta wan malbeteke t'êr û t'uje û xweshal bûye.

Heya dema xwendina wî pêr'a bigihîje, Şoreşa Cotmehê ya Mezin pêk hatibûye, Împêratorîya R'ûsîyayê têk çûbûye, û Ermenîstan bûye k'omareke Yekîtiya Sovêtê... Di gundê wan da dibistana seret'ayî vedibe, û xwendina xw ya destpêkê ew di dibistana gundê xwe da dest tîne. Peyr'a ew xwendina xwe di dibistana gundê Cercer'îsê (Dêrika îro) da didomîne.. Sala 1934-an di xwenwdegeha Yêrêvanê ya mamstatîya k'urdî da tê p'ejirandin û sala 1938-an bi bilindtirîn qîmetan (pûan) xwendina xwe dibe sérî. Heman sale ew wisa jî bi şeweyê êk'stêr (beyî ku perwerdeyê derbaz bibe) dîsa bi qîmetên here bilind ezmûnên dewletê (îmtihan) yên Xwendegeha mamstatîya ermenî dide û bi du dîplomayan vediger'e gundê kal û bavan. Heya sala 1940-î ew di dibistana gund da wek serwêrê beşê xwendinê k'ar dike û pêr'a jî dersên zimanê k'urdî û ermenî dide zar'okan. Di r'ebendana 1940-î diçe leşkerîya Art'êşa Yekîtiya Sovêtê.



Cewo Mamoyan ê ciwan –
dema leşkerîya Art'êşa Sor.
S. 1940.

Ji destpêka Şer'ê Nîştîmanî yê Mezin (Şer'ê Cîhanê yê Duyem) heya gêlavêja sala 1941-ê di Pêşenîya Şer a R'ojavayî da (berbi bajarê Smolênskê va) ew beşdarî şer'ê ji bo r' izgarkirina bajarê ser nave Admîral Üşakov dibe, yê ku faşestêr alman ên dagerker jib o xwe kiribûne kelaheke stratêjik. Heman salê, 10-ê gêlavêjê Cewoyê Emer bi giranî birîndar dibe û piştî ku 9 mehan di hospitalên leşkerî da nojdarîyê (tedawîyê) dibîne, Komîsîona bijîskî ya Hospîtala bajarê Novosîbîrskê wî ver'eyî Komîsaryata leşkerî ya navçya wan a Elegezê dike...

P'arç'eyek ji bîranînên Cewo ê Emer:

...Yekîneya me berbi mile Vyazma-Smolênskê va li dijî dagerkerên faşîst ên alman, ên ku heya diranên xwe bi ç'ekkirî bûn, şer'ekî giran dimeşand. Dijmin bê hêvşandin gelê sivîl, pêçûngê (trên) sanîtarî û hospîtalên deşti bombebaran dikirin... Ewî gund û bajar li r'û erdê r'a r'ast kiribûn, li her derê mirin û wêranî bûn. Heya ciyekî azad jî nemabû, ku mirov nigê xwe lê dayne...

...Lîbelê, em bi bawer bûn, ku Art'êşa Sor, bi piştgirîya gelê Sovêtê dê wan êrîşen barbaros bişkêne û dijminê devbixwîn bîne r'ayê.

Hem Art'êşa Sor, hem jî gelê Sovêtê bawerîya xwe bi serk'evtinê hebûn, û bi dirûşmeya "K'arê me mafdar e, dijminê têk her'e, serk'evtin dê ya me bel!" di dîroka têk'oşîna dijî faşzmê da r'ûp'elên lehengîyê yên bêhemp'a dinivîn.

Ü ew r'oj, a ku em hemû ewqasî hîvîyê bûn, pêr'a gihîşt, têk'oşîna gelê ma ya lehengî 9-ê golana 1945-an bi Serk'evtina Meizin hate t'acîdaarkirin...

... Û bûyerek ji jîyana Cewoyê Emer a wê serdemê

Dema Cewo ê Emer bi cilên leşkerî û kevezan jî di dêst da tê Komîsarıata leşkerî ya navçeya Elegezê û bir'yarnameya bijîskîyê û belgeyên dinê dide komîsarê leşkerî, evê dawîyê dibeje:

– Naha em dikarin ji bo te müçeya nivîşkanîya şer' k'ivş bikin.

— Çi, çi müçeya nivîşkanîya şêr’, — ew weha bi awir’eke matmayî li komîsarê leşkerî dînihêr’e û dibêje, — lê ew hevalên min ên leşkerîyê, yênu ku dê hîc demekê veneger’ in malên xwe? ... Belê, kevezan di destê min da, ez veger’ yame, lê zêndî veger’ yame, k’arê min heye...

Komîsarê leşkerî dixwaze tiştekî bibêje, lê wê demê gotinan p’eyda nake. Lîbelê, paşê, her carê ew fersendê ji destê xwe bernade, ku di civîn û hevdîtinênu nûnerên civakê da di wê derbarê da bi dengekê bilind bîr bîne.

Piştî salekê Cewoyê Emer êdî kevezan datîne hêlekê û bêyî wî dimeşe, û her t’enê dema mirov bi baldarî lê binihêr’ya, dê bidîta ku ew hinekî dikule. Heya di derdorê wî da hinek dibêjin, dibe ku birînênu nigê wî êdî k’ew girtine, û ew t’endurust bûye. Lê di r’astîya xwe da ne wisa bûye, ewqasî leşkerê demekê bi xwe ç’are dîtibûye. Ewî bi xwe di malê da p’êlavên xwe yên nû anegorî nigê xwe yê nivîşkan “vesazandibûye”... Û wisa derdorê şes dehsalan!

Welatê wî – Yekîtiya Sovêtî, xizmeta lawê xwe ya di Şer’ê Nîşîmanî yê Mezin da, wek ku hêja ye, qîmet kirye: di r’êza xelatên Mamosta Cewo da “Ordêna Şer’ê Nîşînaiyî ya asta II” cîyekî hêja digire.

Û pêkhatineke balk’êş a serdemâ me

... Sala 2015-an bi boneya 75-salîya serk’evtina dijî faşîzmê ya gelê Sovêtî, li dûrî gundê kal û bavan ê Mamosta Cewo di pêşseraya (fûayê) dibistana bajarê Jelêznovodskê yê Fêdêrâtsiona R’ûsîyayê da, li k’u nvîç’ir’kên wî dixwendin, bi sernivîsa: “Em bîr tînin! Em serbilind in!” t’exteyê bîranînê (tablo) bi wêneyên beşdarên Ser’ê Nîşîmanî yê Mezin danîbûn. Û, helbet, di nava wan da wisa jî – wêneyê mamosta Cewoyê Emer Mamoyan.



Di wêne da: T’exteyê bîranînê – ji jor va di r’êza sêyem da yê dehan wêneyê Mamosta Cewoyê Emer Mamoyan e.

Piştî ku ji şêr’ vediger’ e (s. 1942-an) Mamosta Cewo hemû hêz û zanîen xwe dide k’arê xwendin û p’erwerdeya nivşen ciwan ê gelê xwe.

Heya sala 1959-an ew serwêrê beşê p’erwerdeyê yê dibistana gundê xwe P’ampa K’urdan bûye, lê ji sala 1960-î heyâ 1978-an – dîrêktorê (gerînende, midûr) heman dibistanê. Lîbelê. Piştî sala 1978-an, dema 60-salên wî t’emam dibin, derbazî hêsabûna

k'eddarîyê jî dibe, ew ji dibistana xwe qut nabe û ji bilî ku k'arê xwe yê mamostatîyê bidomîne, ew wisa jî bi şêwrên xwe ji dîrêktorê dibistanê yê ciwan r'a dibe alîk'ar.

Di dema pêkanîna p'eywira xwe ya mamostatîyê da ewî ne ku t'enê k'eda xwe ya bi nîrx û giranbuha kirye nava k'arê p'erwerdeya nivşen ciwan ên gundê xwe û Çobanmaza cînar (Avşêna îro), lê wisa jî li ser asta navçeyê beşdarî pêvajoya pêşxistina p'evguhar'tina cêr'ibandinê k'arê p'erwerdeyê bûye. Ew dibistan, a ku wî r'êvebirî lê kirye, bûye yek ji wan dibistanê nzvçeya Aparanê, yên ku ji bo pêşvabirina k'arê p'erwerdeyê bûne bingeh. Û dem bi dem di dibistana wî da bi beşdarîya mamostayênis pispôr û xwedî cêr'ibandin (t'ecrûbe) ên gundêna cuda yên k'urd û ermenîya "Dersêv vekirî" hatine t'evgerkirin.

Di vî warî da li ber Mamosta Cewo wisa jî asoyen (horizon) asta k'omarî vedibin: ew gelek caran wek nûnerê navçeya xwe beşdarî k'arê Hemcivînê (Kongrê) mamostayêni K'omara Sovêtî ya Ermenîstanê bûye.

R'êvebirîya K'omarê qîmetekî mezin daye k'eda wî di warê p'erwerdeya nivşen ciwan da: sala 1954-an bi bir'yara Şêwra T'ewre Bilind (Parlamento) a K'omara Sovêtî ya Ermenîstanê navê bi r'ûmet ê Mamostayê K'edîrî Komarê wek xelat daye wî, lê pişî çar salan, sla 1960-î vê carê bi bir'yara Şêwra T'ewre Bilind (Parlamento) a Yekîtiya Sovêtî, Mamosta Cewo bi "Ordêna Ala Sor a K'edîrî" (Madalya) tê xelatdarkirin.



K'omek beşdarîni p'evguhartina cêribandînan ên ji k'omarîni cuda yên Yekîtiya Sovêtî di Lénîgradê da, li ber peykerê Pyotrê gewre. Di navendê da Cewo Mamoyan e.

S. 1960.

dike.

Lêbelê, ji bo ku k'arê p'erwerdeyê bikaribe encamên pêwîst bide, wê demê kîmasîya kadroyênis pispôr, derfetan û demûdezgehan xwe dide xuyan: avahîyê dibistanê, serî-binî, ji çar odayen pêk hatibûye (ew jî ji du zo odayen li ser hev va), heyâ odaya mamostayan a cuda jî nînbûye, lê ji bo mamostayêni ji derva hatî dibistanê di malên gundiyan ên kên derfet û demûdezgehan da cîyê mayînê k'irê dikirin.

Sala 1960-î, dema Mamosta Cewo p'eywir dîrêktorê dibistanê werdigire, baş tê digihîje, ku di r'ewsa pişî şer' a bê merc û derfet da mirov dikaribûye bi awayekî k'ar bike, lêbelê, ji wir û pêva p'ir' dijwar e, bi heman awahî bidomîne. Lewra jî, ew li r'êyên

Heman sala 1960-î bi bir'yara Wezaraeta r'onaydarîyî (ya P'erwerdayê) bi armanca p'evguhar'tina cêr'ibandinê asta Yekîtiya Sovêtî Mamosta Cewo ji bo du mehan bi k'ar ver'eyî Moskovayê, Lénîgradê û herêma R'yazanê yên Fédérat'siona R'ûsiyayê dikan.

Pişî veger'a wî, bi wê armancaê, ku encamên danûstandin û p'evguhar'tinanê cêr'ibandinan bigihînin civaka mamostayêni navçeyê, di navenda navçeyê da bi beşdarîya Mamosta Cewo r'êzek sêmîner, dersbêjîyêni cuda (lecture) û xwendina gotarêni wî têne t'evgerkirin.

Di vî warî da bi k'arêni mamosta r'a wisa jî ew r'ewş û merc bûne derfet, ku ew wisa jî serperiştê civakî yên Beşê p'erwerdeyê bûye.

Di nava nîv sedsala k'arê xwe yê mamostatîyê da Mamosta Cewo ji gundê xwe yê kal û bavan neçûye cîyekî dine, kar bike, çiqas jî ji t'erefê r'êvebirîya navçeyê va jib o wî gelek pêşnîyarêni p'eywir û müçeyen bilind hebûne.

Ew henû zanînêni xwe, t'evahîya hêz û derfetêni xwe dîyarî nivşen nû yên gelê xwe

ç'areserîyê diger'e, ji bo ku r'ewşa merc û derfetên dibistanê baş bike. Û k'arê yekem, ê ku ew destpê dike, anegorî merc û drfetên heyî, hewl dide, ku li pişt avahîyê dibistanê va, hîç nebe, odehyekê ji bo mamostayan ava bike. Beşê p'erwerdeya gel a navçyê, bi matérîalên ji bo avakirinê alîk'arîyê dide, herç'ê mayî dîrkîtorê dibistanê yê nû bi xwe t'evger dike. Û di vî k'arî da hemû dibil alîk'ar – gundi, mamosta, heya şagirtên k'omên bilind. Û di encamê da du ode jî li avahîyê dibistanê yê kevn zêde dibil – oda mamostayan û oda k'ar a dîrêktorê dibistanê.

Piştî vê, ewana êdî dikaribûne hinekî azad bînvedin.

Lêbelê Mamosta Cewo bi vê yekê hêsan nabe, ew bi R'êvebirîya navçeyê û Beşê p'erwerdeya gel r'a danûstandinan pêk tîne, ji bo ku di gund da ji bo mamostayêni ji derva hatî avahîyê jîyanê ava bikin. Piştî çend salan êdî projeya avahîyê duqatê yê ji bo çar malbetên mamostayan amade bûye. Ew ji hêla r'êvebirîya navçeyê va tê erêkirin û dest bi k'arêni avakirinê dibe. Û dîsa du sal dibihurin, avahîyê jîyanê êdî amade bûye, û derê xwe li ber mamostayêni ji derva hatî veke. Û gundîyên P'ampê navê "Mala dersdaran" li wî avayî dikin.

Helbet, ezê hê pêr'a bigihînim, veger'im ser r'ola vî avahîyî di jîyana P'ampa K'urdan da...

Piştî ku xwendina xwe di dibistana heyştsale da didbirin sêrî, ciwanêñ gundêñ P'ampa K'urdan (Sîp'ana îro) û Çobanmazê (Avşêna îro), ji bo ku xwendina xwe bidomînin, diçûn dibistana navîn a gundê Elegezê: Ji bo wê ewana herr'oj bi p'êyan 5 km r'ê diçûn û vediger'yan.

"Ma, wê ci bibe, eger ji bo P'ampa K'urdan û Çobanmazê dibistana navîn bê avakirin? Ma ne, di navbera wan herdu gundan da kîlomîtrek jî nîne, ewana wek du t'axêñ gundekîne? – Mamosta Cewo Mamoyan bê deng ji xwe r'a dibêje û bi wan r'amanañ diçe bal serwêrê Beşê P'erwerdeyê yê navçeyê."

Serwêrê beşê P'erwerdeyê bi baldarî berjeng û p'alpiştên wî dibihê û pêşniyar dike, ku ew ji bi wê pirsê bi nivîskî dîtin û r'ewadarîyêñ xwe amade bike û bîne. Piştî r'ojekekê bi r'ewadarîyêñ nivîskî va serwêrê Beşê p'erwerdeya gel (naha êdî yê navçeya Aragatsê). Nîkolay Avagyan û Mamosta Mamoyan berbir'î r'êvebirîya navçeyê dibil, û di encamê da, dispêrin besêñ cuda, ku ew ji bo wê hejmartinêñ (hesab) pêwîst pêk bînin, ji bo ku projeya avahîyê dibistanê yê hemdemî yê bi p'ergala (sistêm) p'erwerdeya kabînêti hilbijêrin.

Projeya avahîyê dibistanê tê erêkirin. Û sala 1976-an avahî êdî amede dibe. Û mamosta Cewo Mamoyan dest pê dike, demûdezgeh û pêdivîyêñ laboratorî yên hemdemî ji bo dibistana nû bîne. Lêbelê, havîna sala 1977-an, dema amedek'arîyêñ pêşbazîya sala xwendenê ya nû di avahîyê dibistanê yê nû da pêk bînin, êdî berbi dawîyê va diçûn, Mamosta Cewo Mamoyan berbir'î serwêrîya Beşê p'erwerdeya gel ê navçeyê dibe, bi daxweza ku wî ji p'eywira dîrêktorê dibistanê azad bikin, lewra ku ew êdî gihîştye temenê hêسابûna keddarîyê...

Wê demê hîç kesekî tiştekî wisa hêvî nekiribûye.

R'êvebirîya navçeyê hewl dide, wî bide bawerkirin, ku 60 sal sînor nine, û ew ji wir û pêva jî dikare salêñ dirêj r'êvebirîyê li dibistanê bike... Lêbelê, Mamosta Cewo li ser ya xwe dimîne, ew sedemêñ bir'yara xwe tine zimêñ,



Di wêne da: di hewşa dibistan Sîpanê ya navîn da – ji çepê yê sêyem Mamosta Cewo Mamoyan e, bi êdîtorê r'ojeameya "Aragats"-ê Sasûn T'aryan, dîrêktorê nû yê dibistanê T'êmuûre Miro û yê dinê r'a. Sal 1980.

dibêje, ku şopên şêr' xwe didin xuyan, ji bilî wê, bi dîtina wî, ewî êdî mîsîona xwe pêk anye: dibistana gund bûye ya navîn (lîse), ji bo wê avahîkî hemdemî hatye avakirin – bi sîstêma kabînêtî, bi seraya wezêşê (sporê), bi sazîya germkirinê ya xweser va, ku ewî bi dehan nivş p'erwerde kirine, gelek şagirtên wî iro mirovne navdar û pisporê şarezan in, êdî kadroyên cî gihiştine, ji bo wan, ên ku ji derva tê, avahîyê jîyanê heye û êdî dem e, ku derfetê bidin kadroyên ciwan – şagirtên wî yên demekê, ku ew hêz û zanînên xwe di k'ar da bidin xuyan...



*Mamosta Cewo ê Emer Mamoyan bi k'omeke davîye
ya şagirtê li xw r'a.*

nivîsk'aran, bjîşkan, yên r'ayedarêni siyâsî û k'armendêni warêni jîyanê yên cuda, lê wan hemûyan jî bi hezkirin jêr'a Mamosta (Desdar) gotine, û ev p'eyva li ser zarê wan wat'eguhêri bibûye û bûye nasnav... Dema wana ew p'eyv anîne zimêni, mamostayê wana wê demê li wir bûya, an – na, yek e, hatye têgihîştin, ku gotina wan di derbarê wî – Mamostayê wan ê hezkirê Cewo Mamoyan da ye.

Weha, t'enê çend navêni şagirtên wî yên navdar:

Şeref ê Eşir – doktorê dîrokznîyê, profêstor,

Wezîr ê Eşo – nivîsk'ar, r'ojnameger,

Fêrik ê Ûsiv - helbestvan,

Emerîk ê Serdar – nivîsk'ar, r'ojnameger,

Mak'sîm ê Xemo – doktorê filologîyê, professor,

T'êmûr ê Mîro – şuxulvanê p'erwerdeya gel, dîrêktorê dibistanê,

R'azmîk Basmacyan – şuxulvanê p'erwerdeya gel, dîrêktorê dibistanê,

Mêlsîk ê Memlî – şuxulvanê p'erwerdeya gel, dîrêktorê dibistanê,

Avt'andîl ê Fetî – şixulvanê siaysî û yê dewletê,

T'êmûr ê Cindî – şixulvanê civakî-siaysî,

Koryûn Basmacyan – şixulvanê siaysî û yê dewletê,

Vladêmîr û Sûrîk K'aloyan – herdu bira jî bijîşk,

Lawê mezin ê mamostayê k'eddar, zimanzan, helbestvan û r'ojnameger Ezîz ê Cewo jî yek ji şagirtên wî bûye.

Vê navnîşa şagirtên hêja yên Mamostayê navdar mirov hê jî dikare bidomîne...

Û bi r'astî jî, heyâ salêni heyştêyi yên sedsalâ bihurî bi dehan nivşen gundêni P'ampa K'urdan (Sîpana iro) û Çobanmazê (Avşêna iro) di dibistana Mamosta Cewo Mamoyan da û bi r'uhe wî hatine p'erwerdekirin. Dibe ku zar'okêni iro yên van herdu gundan, nevî û nevîç'ir'kêni şagirtên Mamostayê navdar ên demekê haya wana pê jî nîne, ku di k'arê şêwazdarbûna cîhana r'ewanî ya wan a hindur'în da, ya ku ji pêşîyan, wek mîras ji wan r'a maye, k'eda wî Mirov û Mamostayê Mezin p'ir' heye, ku di r'astîya xwe da ewana nivşen wî yên r'ewanî ne...

Û, eger ji şagirtên wî gelekan nikaribûne di wê derbarê da binivîsin, lê nivîsk'arê navdar Wezîr ê Eşo ne ku t'enê di çapemenîya Ermenîstanê û ya dîaspora k'urdêni Awropayê

Bi r'astî jî, di dema mamosatîya Cewo ê Emer Mamoyan a nîv sedsalekê bi dehan nivşen gundêni P'ampa K'urdan û Çobanmazê gihiûtine û p'erwerde bûne. Gelek ji wana bûne pisporê navdar, r'ayedarêni civakî-siyasê û pêşvanen hilberenê. Şagurtên wî p'êşeyen cuda hilbijartine: hinek di r'êya mamoyê xwe da çûne – bûne mamosta û r'êvebirêni sazîyên p'erwerdeyê, lêbelê, di nava plêadaya (r'efê bijarte) wan da wisa jî navêni dinê hene: yên zanîyaran, r'ojmanegeran,

da gotar nivîsîne, lê, her weha, beşekî cuda yê p'irtûka wî ya “P'amp-Sîp'an” di derbarê dibistana gundê wî û jîyan û k'arê mamostayê hezkirî da ye.



Her dema ku nivîsk'ar ê navdar Wezîr ê Eso bihata P'anpê, ew mîvanê Mamostayê hizkirî bû.

girêdayî ye. Û, eger dem bê, û dîroka vê dibistanê bê nivîsîn, bi heşmendî, ewê ji du serdeman pêk bê: serdema Mamoyan û ya piştî Mamoyan, lêbelê serdema Mamoyan a vê dibistanê dê hert'im wek serdema gulvedanê bê bîranîn, wek “Dewra zêr'în”.

Û bûyereke balk'êş jî:

... Dema di Beşê p'erwerdeya gel a navçeya Aparanê da, di civîna dîrêktorên dibistanênavçeyê da tê r'agîhandin, ku bir'yar hatye girtin, di gundê P'ampa K'urdan da avahîyê jîyanê ji bo mamostayan ava bikin, çend dîrêktorên gundêne mezin ên navçeyê digazinin, dibêjin, ku gundêne wana ji P'ampa K'urdan gelekî mezintir in, çima di gundêne wan da ava nakin.

Serwîrê Beşê p'erwerdeya gel, wek ku paşê dîrêktorên hevalên Mamosta bîr tînin, dibêje, ku, belê, r'ast e gundêne ji P'ampa K'urdan mezintir hene, lêbelê, divê neyê ji bîr kirin, ku dibistana wî di r'êza pêşvanan da ye, ew ji hêla k'arê p'erwerdeyî va yek ji dibistanêne bingehîn e, paşê jî, divê em xwe mukur' bê, ku ew bir'yar t'enê li ser asta navçeyê nehatye p'ejirandin, ku hevalê Mamoyan Mamostayê k'eddar ê K'omarê ye, ordêngir e (ordêne – madalya dewletê ya asta bilind), ew bi aktîvî besdarî çalakî û k'ar û t'evgerên asta k'omarê dibe, di Wezareta r'onahîyê (ya p'erwerdeyê) da wî baş dizanin, û, ji bilî vê, ew dikare mirovan bide bawerkirin, pêwîstîya daxwezen xwe bibide p'ejirandin...

Dîrêktorên dinê piştgirîya serwîrê Beşê p'erwerdeya gel dikin...

Û ev “Mala dersdaran” paşê di jîyan P'ampa K'urdan da, mirov dikare bibêje, r'ola ç'arenûsî dilîze. Dema sala 1988-an erdedhej pêk tê, avahîyê dibistanê yê nû û hemdemî, yê ku di dema Mamosta Cewo Mamoyan û bi hewlîn wî hatibû avakirin, hildiweşe, lê avahîyê “Mala dersdaran” li ser p'êyan dimîne, û li şûna avahîyê dibistanê yê demekê yê hemdemî heya îro jî zar'okêne gund dihêwirîne.

Belê, carna di jîyanê da guhar'tinê wisa pêk tê, ên ku mirovan hîc ew hêvî jî nekiribûne: dibe ku dema bihuştiyê Mamosta Cewo Mamoyan ji bo gundê xwe projeya “Mala dersdaran” bide p'ejirandin û erêkirin, serî li sazîyêne cuda yêne dewletê dida, dema di wam salêne bêderfet da avakirina wî pêk tanî, nedihatibûye ber hesê wî jî, ku salê bibihurin,

Lê helbestvanê navdar Fêrik ê Üsiv p'irtûkên xwe bi gotinê germ dîyarî mamostayê xwe kirye. Weha, her t'enê yek ji wana: sala 1963-an, dema ew berevoka berhemên helbestvan û hozanê ermenî Sayat'-Nova ya bi k'urdî weşandî dîyarî mamostayê xwe dike, van gotinan li ser r'ûpelê wê yê yekem dinivîse: “Ji dersdarê minî ewîlî hizkirî Cewoyê Emer ra!”

Belê, dîroka dibistana P'amp-Sîp'anê ya nivsedalekê bi hemû serfirazî û destanê xwe va bi navê Mamosta Cewoyê Emer Mamoyan va

erdhejê avahîyê dibistana hemdemî, ya ku bi hewlên wî hatibûye avakirin, dê hilweşne, lê ev “Mala dersdaran” dê li ser p’êyan bimîne û bik’eve xizmeta p’erwerdeya zar’okên gundê wî.



Di wêne da: aktîva gundê P’ampa K’urdan – dema nirxandina pirsên darayî-r’êexistinî. Ji milê ç’epê va: Egît ê Hemîd, Teyo ê Üsiv, Cewo ê Emer. Fetî ê İyb, Mîro ê Qero, Ecem ê Hemîd û Hemo ê Üsiv. Nîveka salên 1950-i.

hemûyan da k’eddarê me – Cewoyê Emer Mamoyan bikaribe dîsa navekî bibîne, yê ku serdemeye ewqas dirêj (nîv sedsaleke t’am!), wisa bi şêweyekî berhemdar xizmeta gelê xwe kiribe... Û, her çiqas, ew sazûmank’ar û serk’êşê pêvajoya şêwazdarbûna nirxên r’ewanî yên gundê xwe bûye, lê bi dilnimzî di derbarê k’arên xwe da hîc gotinek jî neanye zimên. Di derbarê k’ar û k’eda wî da kesen dinê gotine û nivîsîne.

Û t’aybetîyeke girîng jî, r’asttir dibe, mirov bibêje, ya girîngtirîn, a ku li bal wî Mirovê Mezin hebûye, ew bûye, ku di r’ewşen jîyanê yê here dijwar û teng da jî Mamosta Cewo Mamoyan hîç misqalekê ji prêntsîpên xwe gav paşa neavîtine, ew di deşta şer’ da jî wisa bûye, dema ew li dijî êrîşen dagerkerîya faşistên alman têk’oşyaye, û demên aştêyê jî wisa bûye, dema bi k’arê ji holê r’akirina nexwendîfîyê û p’erwerdeya nivşen cuwan va mijûl bûye, pêr’ a jî ji gundê xwe r’ a bûye alîk’ar, ji bo ku ew di salên dijwar û giran ên piştî şer’ da r’ewşa xwe ya darayî xweş bike û r’abe ser p’êyan. Ew hert’im t’erefdar û piştovanê dadwerîyê û wekhevîyê bûye û her demê bi dilekî eş û kovan dubare gotye, ku ew, a ku di welatê wî yê kal û bavan da r’êjîmên mêtînger tînin serê gelê k’urd, dijî hemû pîvan û normên mirovî ne, lê ew hovîtî, ya ku r’êjîma faşîst a T’irkîyayê di Bakûrê K’urdistanê da pêk tine, dikaribû heye merivxurên faşistên alaman jî matma bikira. Bi dîtina Mamostayê navbilind, ji bo van hovîtîyan bi r’êjîma faşîst a T’irkîyayê r’ a t’evayî (hela ji wê jî zêdetir!) dewletên cîhanê yên gewre jî berpirsyar û bersîvdar in, yên ku bi wê r’êjîma faşîst r’ a di nava hevk’arîyê da ne, ç’ekên hemdemî û ajaran (cebirxaneyê) didin wê.

Dewletên gewre di dema xwe da Almanîya Hîtlîrî jî bi ç’ek û hêz kirin, ê, paşê?...

Lêbelê, di vê r’ewşê da, – Mamostayê Mezin bi bawer e, – hîç kesek jî nikare ji gelê k’urd r’ a bibe alîk’ar, eger ew li dora T’evgera azadîxwez necive û nebe yek, r’êzên xwe ji xulamok û xwefiroşan paqij neke, yên ku di şer’ê qir’ejê li dijî şervanên p’arastina gelê k’urd da bi hêzên dagerker ên T’irkîyea faşîst r’ a hevk’arîyê dikin. Ew bi bawer bûye, ku gelê k’utd dê her wê demê bikaribe bigihîje Azadîya xwe, dema li dora T’evgera Net’ewî ya R’izgarîxwaz bicive û hemû hêzên xwe bike yek.

Di arşîvên Mamostayê hêja da hejmarêن cuda yên r’ojname û kovaran hatine p’arastin, ên ku di Yêrêvanê û Moskovayê da r’onahî dîtine, û di wan da bi gotar û nivîsîn dinê yên di derbarê dîrok û têk’oşîna lehengî ya gelê k’urd da hene, û di va wan da jî cîyê xwe yê taybet gotar û têkstîn axavtinîn R’êberê gelê k’urd Abdullah Ocalan hene. Di nava wan da wisa jî nimûneyeke broşûra Abdullah Ocalan a “Bersîva min dê çawa be...” hatye p’arastin, a ku sala 1994-an ji hêla r’ojnameya “Botan” va li Yrêvanê bi zimanê ermenî hatibûye weşandin.

Lêbelê, divê wisa jî bê gotin, ku şuxulvanîya Mamosta Cewo t’enê bi dibistanê bi sînor nrûye, ew bi aktîvî besdarî jiyana gundê xwe ya civakî bûye, bi ç’areserkirina pirsgirêkîn gund ên darayî û r’êexistinî r’ a bûye alîk’ar.

Belê, ne ku t’enê dîroka dibisytana P’ampa K’urdan, lê, her weha, dîroka gund bi xwe jî, bi navê Mamostayê me yê k’ed-dar bînvedide. Di vî gundi da her tişt di derbarê wî da bîr tine û dide bîranîn: her k’arek, her bû-yerek, her dîmenekî pêkhatinîn gund.

Lawên P’amp-Sîp’ anê yên navdar û hêja hebûne, lê di nava cuda dibe. Dibe ku mirov dijwar

Û ya balk'êş ew e, ku ew hemû ewî ne ku t'enê bi baldarî xwendibûne, lê wek ku tê xuyan, wisa jî lêger'în pêk anîbûne: *li ser r'ûp 'elên wan binxêzkirinên û têbînîyên wî mane.*

Belê, di salêن dawîyê da hizir û r'amanêن Mamostayê Mezin û k'eddarê navdar bi van pirsgirêkan va gîro bûne...

Ewî ew hemû ji nivşen pêşer'oje r'a hîştye û 2-ê r'ezbera sala 2001-ê di 84-salîya xwe da xatirê xwe ji vê cîhanê xwestye, lêbelê, navê wî Mirovê Mezin dê di bîra nivşê dihatûyê da nemir bimîne.

**Lîanna Cemal Mhoyan – êdîtora
r'ojojnameya “Zagros”
Gêlavêj – r'ezber, s. 2022-an.
Yêrêvan**

**Gotar bi zimanê ermenî di № 9 (173) a r'ojojnameya «Qwaqpnu» / «Zagros» da
hatiye weşandin.**